

STATUTORY DECLARATION

I, **TAN SRI ROBERT PHANG MIOW SIN** (NRIC No: 390601-71-5295) a Malaysian citizen of full age and residing at No. 9, Jalan Maktab 5, Off Jalan Semarak, Kuala Lumpur, do hereby solemnly and sincerely declare that :-


1. From 24.2.2009 to 27.1.2011, I served as a member of the Corruption Prevention and Consultative Panel of the Malaysian Anti Corruption Commission (“MACC”).
2. During my tenure as a panel member of the MACC, I received a letter dated 11.11.2010 from Encik Rosli Dahlan with regard to a charge brought by the Public Prosecutor against him in Kuala Lumpur Session Court Arrest No: 62-449-2007 (PP v Rosli Bin Dahlan). A copy of this letter is marked herein as **Attachment A**.
3. Encik Rosli Dahlan had attached his letter dated 1.9.2010 to the Chief Commissioner MACC requesting the MACC to withdraw the charge against him, which is marked herein as **Attachment B**.
4. I raised this matter with the Chief Commissioner MACC, Dato’ Seri Hj. Abu Kassim Bin Mohamed, who informed me that the MACC had no case against Encik Rosli Dahlan in the above prosecution, but he was prevented by the Public Prosecutor, who is also the Attorney General of Malaysia, Tan Sri Abdul Gani Patail, from discontinuing the prosecution against Encik Rosli Dahlan despite being aware that the case would result in an acquittal.
5. I verily believe and state that there had been abuse of power, selective prosecution, abuse of prosecutorial discretion, malicious prosecution and prosecutorial misconduct by Tan Sri Abdul Gani Patail in the handling of the above matter against Encik Rosli Dahlan.

And I make this solemn declaration conscientiously believing the same to be true, and by virtue of the provisions of the Statutory Declaration Act 1960.

Subscribed and solemnly)
declared by the abovenamed)
TAN SRI ROBERT PHANG MIOW SIN)
at Kuala Lumpur, State of)
Wilayah Persekutuan)
on this 16 day of August, 2012)



.....
(**TAN SRI ROBERT PHANG MIOW SIN**)



.....
Unit A11-1 & 2, Megan Avenue 1,
No. 189, Jalan Tun Razak,
50400 Kuala Lumpur.

ATTACHMENT A

Rosli Dahlan

c/o Level 16, Menara Tokio Marine Life
189 Jalan Tin Razak
50400 Kuala Lumpur
Malaysia
Office Tel DL: 603-2170 5804
Fax: 603-2161 3933
e-mail: rd@li-ag.com


Tarikh: 11hb November, 2010.

1. **Y.Bhg Prof. Tan Sri Dr. Mohd Kamal Hassan**
Lembaga Penasihat Pencegahan Rasuah
Suruhanjaya Pencegahan Rasuah Malaysia
Aras 7, Blok D6, Pusat Pentadbiran Kerajaan Persekutuan
62502 Putrajaya
2. **Y.Bhg Tan Sri Robert Phang Miow Sin**
Panel Perundingan dan Pencegahan Rasuah
Suruhanjaya Pencegahan Rasuah Malaysia
Aras 4, Blok D6, Pusat Pentadbiran Kerajaan Persekutuan
62502 Putrajaya
3. **Y.B. Tuan Salahuddin bin Hj. Ayub**
Jawatankuasa Khas Mengenai Rasuah
Suruhanjaya Pencegahan Rasuah Malaysia
Aras 7, Blok D6, Pusat Pentadbiran Kerajaan Persekutuan
62502 Putrajaya

BY HAND

Acknowledge receipt

Company Chop and Signature
Date :



Y.Bhg Tan Sri / Y.B.,

Per: Mahkamah Sesyen Kuala Lumpur
Kes Tangkap No: 62-449-2007
Pendakwa Raya -lwn- Rosli Bin Dahlan

Adalah dengan hormat saya merujuk kepada perkara tersebut di atas yang kini ditetapkan untuk sambung bicara pada 20hb Disember 2010.

Saya telah menulis surat kepada YDH Dato' Sri Hj. Abu Kassim bin Mohamed pada 1hb September 2010 meminta supaya pertuduhan terhadap saya ditarik balik. Namun sehingga kini tiada sebarang perkembangan di maklumkan kepada saya. Sesalinan surat saya bertarikh 1hb September 2010 dilampirkan bersama ini yang kandungannya menjelaskan hasrat dan permintaan saya.

Sudilah kiranya pihak-pihak Tan Sri dan YB sebagai wakil kepada Lembaga, Panel dan Jawatankuasa SPRM membangkitkan hal ini kepada YDH Ketua Pesuruhjaya supaya perkara ini dapat diselesaikan dengan segera demi kebaikan semua pihak.

Sekian, terima kasih.

Yang benar,

ROSLI DAHLAN

Lamp.

ATTACHMENT B

Rosli Dahlan

c/o Level 16, Menara Tokio Marine Life
189 Jalan Tun Razak
50400 Kuala Lumpur
Malaysia
Office Tel DL: 603-2170 5804
Fax: 603-2161 3933
e-mail: rd@li-ag.com



Tarikh: 1hb September, 2010.

YDH Dato' Sri Hj. Abu Kassim bin Mohamed
Ketua Pesuruhjaya
Suruhanjaya Pencegahan Rasuah Malaysia
Blok D6, Kompleks D
Pusat Pentadbiran Kerajaan Persekutuan
Peti Surat 60000
62007 Putrajaya

**Dengan Faks, E-mail &
Serahan Tangan**
Faks No: 03-88889562
E-mail : a1@sprm.gov.my

Assalamu'alaikum w.b.t.,

YDH Dato',

**Per: Mahkamah Sesyen Kuala Lumpur Kes Tangkap No: 62-449-2007
Pendakwa Raya -Iwn- Rosli Bin Dahlan**

Adalah dengan hormatnya saya merujuk kepada perbicaraan yang akan disambung pada 6hb hingga 8hb September, 2010.

Dengan penuh rasa insaf dan rendah diri, saya memohon perhatian dan pertimbangan Dato' untuk menarik balik pertuduhan terhadap saya sebelum atau pada tarikh sambung bicara akan datang. Besarlah hati saya, jika Dato' sudi mengambil kira fakta dan alasan-alasan ringkas seperti berikut:

- a) Hubungan saya dengan Dato' Ramli Yusuff adalah sebagai rakan sekuliah sejak dari universiti. Memang menjadi kelaziman saya membantu sesiapa jua yang memerlukan nasihat guaman. Hal ini boleh ditanyakan kepada kenalan dan sahabat handai termasuk ahli Kariah di Masjid kawasan saya. Apatah lagi dalam hubungan akrab rakan seperjuangan, saya bersenang hati memberikan khidmat nasihat guaman kepada Dato' Ramli Yusuff sepertimana juga dengan Dato' Nordin Hassan dan keluarganya. Hal ini boleh ditanyakan kepada Dato' Nordin Hassan sendiri. Perkara tersebut tidak sedikit pun menjejaskan kredibiliti mana-mana pihak kerana ianya dibuat secara telus dan profesional;
- b) Berhubung integriti dan keperibadian saya sejak di universiti, Dato' boleh bertanyakan sendiri kepada Prof Tan Sri Dr Mohd Kamal Hassan yang merupakan ahli Lembaga Penasihat SPRM. Dato' juga boleh bertanyakan keperibadian profesional saya kepada Tan Sri Dato' Robert Phang yang menganggotai panel Pencegahan

Rasuah SPRM. Sebelum kejadian ini, reputasi saya sebagai seorang peguamcara Melayu/Islam adalah tanpa sebarang cela;

- c) Sejak bermulanya perkara ini, saya telah mempertikaikan kesahihan pengeluaran Notis dibawah Seksyen 32(1)(b) yang dibuat terhadap saya oleh TPR SPRM;
- d) Jawapan saya melalui Akuan Berkanun bertarikh 20hb September, 2007 adalah perisytiharan tulus dari saya bahawa saya tidak terbabit dalam apa jua harta Dato' Ramli Yusuff atau sebarang penyelindungan keatasnya. Malah, saya memberikan perakuan bahawa saya "able, ready and willing" memberikan apa jua maklumat lanjut jika diperlukan. Tuan TPR dan/atau penyiasat SPRM tidak pernah menghubungi saya untuk meminta saya memberikan penjelasan dan tiada satu pun rakaman percakapan saya pernah dibuat sebelum saya ditangkap;
- e) Amatlah memilukan apabila pada bulan Ramadhan 2007, saya diperlakukan secara kasar, ditangkap dengan bergari sehingga luka dan ditahan semalaman dalam lokap SPRM dan kemudiannya dikenakan pertuduhan di Mahkamah dengan cara yang amat mengaibkan sehari sebelum Aidilfitri. Aib, hiba dan duka dihati tidak dapat digambarkan dan masih menjadi ingatan pahit bagi diri saya, isteri dan anak-anak saya;
- f) Perbicaraan yang telah berjalan kini menunjukkan bahawa keterangan para saksi SPRM setakat ini mengesahkan bahawa saya hanya diperlukan sebagai saksi dan tidak terbabit dalam apa jua salahlaku yang disyaki;
- g) Malahan, pihak utama yang dituduh iaitu Dato' Ramli bin Yusuff telah pun dibebaskan dan dilepaskan daripada kesemua pertuduhan oleh beberapa Mahkamah;
- h) Pada setiap waktu, saya sentiasa berkerjasama dengan pihak SPRM;
- i) Sejak kejadian ini, kerjaya saya telah mengalami mudarat, terlebih lagi saya banyak berurusan dengan syarikat asing yang lazimnya mengkaji latarbelakang peguam yang akan dilantik. Ini jelas apabila "google" search nama saya akan menunjukkan tindakan SPRM terhadap saya yang memberikan gambaran negatif bahawa saya di tuduh dengan kesalahan di bawah akta anti rasuah. Saya boleh memberikan banyak contoh tentang pertanyaan yang diterima firma saya yang mempersoalkan kewibawaan saya sebagai seorang peguamcara;
- j) Amatlah menjerihkan untuk membersihkan nama yang telah teronar ditambah pula dengan kos guaman tinggi yang terpaksa saya tanggung. Malah, bukan saja saya, isteri dan anak-anak mengalami aib yang teramat sangat, malah kaum keluarga besar saya juga mengalami tekanan perasaan yang sama.

Dalam bulan Ramadhan Kareem ini, saya dengan rendah diri memohon ihsan dan pertimbangan Dato' supaya perkara ini dapat diselesaikan tanpa perlu diputuskan oleh Mahkamah. Apapun perasaan yang terbuka dihati saya, waktunya telah tiba dimana saya perlu redha ianya sebagai ketentuan Allah.

Secara peribadi, saya menyokong kewujudan dan peranan SPRM sebagai satu institusi keramat yang diperlukan demi membanteras gejala rasuah di negara ini. Namun, akan menjadi satu kedukaan jika institusi ini dianggap oleh masyarakat awam sebagai telah disalahgunakan sehingga memangsakan orang orang yang tidak bersalah.

Andaikata sahutan hati saya ini menyentuh naluri insaniah Dato', saya yakin kita dapat berkerjasama memainkan peranan masing-masing demi menegakkan kebenaran dan pelaksanaan undang-undang dengan tulus dan ikhlas mematuhi prinsip 'Rule of law'.

Amatlah malang jika rayuan saya ini tidak menerima sambutan dipihak Dato' sebagai usaha saya mencari penyelesaian dan perdamaian dalam perkara ini. Janganlah sampai penolakan rayuan saya ini akhirnya memaksakan kepada proses undang-undang yang tidak berkesudahan yang tidak akan membawa kepada sebarang manfaat kepada kita dan juga masyarakat amnya.

Sebaliknya, persetujuan Dato' untuk menamatkan prosiding pendakwaan dengan menarik balik pertuduhan terhadap saya akan menjadi satu petanda baik bahawa SPRM adalah satu institusi yang berani mengambil langkah yang betul demi menegakkan kebenaran. Ini akan menjadi satu pembukaan lembaran baru dalam sejarah SPRM dibawah teraju Dato' sebagai Ketua Pesuruhjaya SPRM.

Semoga kita diberi hidayah dan mendapat afiah dan hasanah dibulan Ramadhan yang penuh barokah ini.

Selamat Hari Raya Aidilfitri Minal Aidil Wal Faidzin.

Besarliah hati saya jika menerima jawapan segera dari pihak Dato'.

Sekian, terima kasih.

Yang benar,

ROS LI DAHLAN

s.k. - YDH Dato' Abdul Razak bin Musa
Pengarah Pendakwaan
Suruhanjaya Pencegahan Rasuah Malaysia
Blok D6, Kompleks D
Pusat Pentadbiran Kerajaan Persekutuan
Peti Surat 60000
62007 Putrajaya



Dengan Faks, E-mail & Serahan Tangan
Faks No: 03-88889552
E-mail: sfc@sprm.gov.my